



Senin, 14 Nopember 2022
Ogen: Kolose 3:18-21



"Pedah Man Isi Jabu"



W Kristen dan keluarga." Lit serayan Tuhan i bas perenungen pribadina ngataken bagenda: "kegagalan serayan Tuhan si mbelinna e me la lit ngaruhna sekalu serayan i tengah-tengah keluarganya. Si enda jadi sada pertenget man banta subuk kita serayan entah pe anggota perpulungen biasa. Megati nge kita kurang mperdiateken anggota jabu, kurang siperkuanen ndehara ras perbulungen bage pe orang tua ras anak-anak. Kerina anggota keluarga sibuk ndahiken dahinna sekalak-sekalak.

Ipersingeti kita arah Kolose 3:18-21; sekalak ndehara arus patuh man perbulungen. Kata patuh, labo ertina ndehara teruhen asangken perbulungen, tapi mpehaga perbulungen alu palas keriahen ukur, la alu ukur terpaksa. Sekalak perbulungen arus engkelengi ndehara janah la kasar man bana. Kata engkelengi i jenda nuduhkan tanggungjabap sekalak perbulungen lako mereken dirina guna njagai dengen mereken kemalemen ate man ndeharana. Sekalak anak aruslah patuh man orang tua. Kepatuhen enda me dalanna sekalak anak ndatken kejuah-juahen. Teridah kal hubungan si mehuli i bas tengah-tengah jabu erkiteken pedah ras ajar si ituliskan arah kitab Kolose enda. Kepatuhen ras keleng ate sada ras sidebanna mereken dampak si mehuli ras positif man jabu. Jabu si harmonis banci jadi erkiteken teptep kalak i bas jabu mereken dirina guna leben nehken kekelengen dengen kepatuhen man se isi jabuna. Ndehara leben nehken kepatuhen man perbulungen, perbulungen pe leben nehken kekelengen man ndehara dengen anak-anak pe mehamat ras patuh nandangi orang tua.

Enda me si jadi perayakenta selaku keluarga Kristen, erlumba min kita lako nehken kekelengen gelah teridah dengen tergejap maka jabunta e jadi jabu si biak man usihen bas tengah-tengah kegeluhen.